

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<http://books.google.com>



UC-NRLF



QB 457 990









(7)

Die  
Gründung des Klosters  
Waldsassen.

---

Altdeutsches Gedicht  
zur  
Tinschennenthen Schmellen-Feien  
aus der Handschrift  
neu herausgegeben  
von  
Friedrich Krinz  
Kustos an der k. b. Hof- und Staats-Bibliothek.



München, 1885.  
Kgl. Hof- und Universitäts-Buchdruckerei von Dr. C. Wolf & Sohn.





Die  
Gründung des Klosters  
Waldsassen.

---

Altdeutsches Gedicht  
zur  
Tinschennenthnen Schmellen-Feien  
aus der Handschrift  
neu herausgegeben  
von  
Friedrich Krin:  
Kustos an der k. b. Hof- und Staats-Bibliothek.



München, 1885.  
Kgl. Hof- und Universitäts-Buchdruckerei von Dr. C. Wolf & Sohn.

Geheimer Rat

**DR. HERMANN PAUL**

Professor der deutschen Philologie  
an der Universität  
München

## Widmung.

---

Das hier zu erneutem Abdruck gebrachte Gedicht wurde von J. A. Schmeller, dessen hundertjährigen Geburtstag seine Vaterstadt Tirschenreuth in diesen Tagen festlich begeht, i. J. 1846 im X. Bande der Verhandlungen des historischen Vereins der Oberpfalz veröffentlicht.

Daß Schmeller aus der Fülle ihm zur Hand liegenden Stoffes gerade dieses Gedicht auswählte, läßt vermuthen, daß er damit der Gegend, in welcher einst seine Wiege gestanden, ein Erinnerungszeichen widmen wollte. Leider war es auch ein Abschiedsgruß; denn schon ein Jahr darauf traf ihn jenes Unglück, das seiner Thätigkeit, nach wenigen Jahren auch seinem Leben ein Ziel setzte.

Es erschien passend, zu Tirschenreuths Ehrentage eine Erneuerung dieses Geschenkes vorzunehmen.

Möge die kleine Gabe, aus der Mitte derjenigen Anstalt kommend, an welcher der hochverdiente Gelehrte fast ein Vierteljahrhundert zu ihrem und seinem hohen Ruhme wirkte, von seinen Verehrern freundlich aufgenommen werden.

München im August 1885.

Der Herausgeber.

Die  
Gründung  
des  
Klosters Waldsassen.



In Westval zu Volmunstein was gesezen  
ein ritter stolz Gerweich genant,  
an turnay, zu iust vil gar vermezzen;  
darnach zogt er verre in di lant  
5 und wo man ritterleich gebart,  
ez wär ernst oder ein schimph,  
daz beging er wol nach seiner art  
gar mit edelleichem gelimph.  
Die ritterschaft stund im wol an  
10 vor fursten und auch herren,  
auf ere er sich vil wol versan,  
daz braitt sein lob vil verren,  
von land zu lande er do chvam  
mit ritterleicher geberde,  
15 er liez sich sehen sunder scham,  
sein churzweil was vil werde.

Ein hohgeborner furst in Bayer lant  
mit solcher lust sich ubet ser,  
er was markgraf Dipolt genant,  
20 zu Voheburch do wonet er.  
Auf einem plane daz geschach,  
daz er betagt den preis;

- der furste zu im selber sprach:  
 „Wer ist der ritter weis,  
 25 der also edelleichen tut  
 in turnay und auch ze iust?  
 Got hab in in seiner hut,  
 sein geberd hat schone gelust.“  
 zu hant der furst im do gedacht:  
 30 wie wol mir der ritter fuget,  
 Got hat in selber zu mir bracht,  
 seiner geselleschaft mich wol genuget.  
 der herre sich sein in eides weis  
 zu einem gesellen underwant;  
 35 si beiaigten manichen preis  
 hin und her do in dem lant.  
 An einen turnay warn si chumen  
 bed mit ritterleichem mut:  
 von in het man wol vernumen,  
 40 ir itleicher waer fur einen gut.  
 und wo man solcher churzweil phlag,  
 so taten si daz beste;  
 ir teil do nimmer under lag,  
 si warn an noten veste.  
 45 **D**o man den turnay schiken wold,  
 do geschach mit grozzen witzzen,  
 an gever daz wesen schold,  
 man teilt si an den spizzen;  
 under in daz gesetzt was:  
 50 der turnay schold also ergen,  
 daz niemant nicht durch cheinen haz  
 den andern mocht alda besten,  
 noch durch freunttschaft schonen schold,  
 wan daz ist turnayes weise,  
 55 daz man di herschaft also ervolt  
 si hielten auz gar leise.  
 chlainod wappen ward verchert,  
 daz geschach durch sicherhait.  
 si waren all vil wol gelert,  
 60 ir spiz di was gemait.  
**D**er markgraf Dipold als ein helt  
 an einen spiz ward er gestelt,

- her entgegen sein gefelle,  
 daz ward des herren ungevelle;  
 65 der schimph ward in zu veste,  
 sie gebarten als di geste  
 die an ein ander nie gesehen,  
 der furst dem ritter cham ze nahen,  
 do von er in den hals verwundet wart;  
 70 ubel sich da der schimph verchart.  
 dem ritter Gerweich ward chunt  
 daz von im waer der herre wunt.  
 der maer übel er erschrach,  
 und cham zu im do er lag.  
 75 Sein herz daz ward unfro,  
 und sprach: „awe io!  
 waz ist mir wider varen?  
 nu scholt ich, herre, euch bewaren,  
 so hab ich nu den ungemach  
 80 euch getan! we! ach und ach!“  
 Do der furst an einem ort  
 den ritter also chlagen hort,  
 er sprach: „gesell, nu la dein chlagen.  
 fur war ich dir wil sagen,  
 85 mit gotes hilf genis ich wol;  
 traut gesell daz nim fur vol.“  
 Nu merket wunderleiche sache,  
 waz die gotes gnade mache,  
 als sand Paul gesprochen hat:  
 90 „wan ez in zu dem besten gat  
 di do gotes forchten haben  
 an cheiner stat si nicht versnaben.“  
 Daz selbe grozze ungemach  
 daz an dem fursten geschach  
 95 bracht im grozze wurde,  
 in schied recht von der girde  
 ze turnay und just  
 nach werltleicher lust.  
 Sein mainung di was  
 100 chain eitelkeit in furbaz  
 mocht von der andacht schaiden,  
 boshait wart im laiden.

alle gute dinc  
 in seinem herzen er enphinc.  
 105 er gedacht vil wol,  
 wie er got gebe den zol,  
 den er dicke het verraren,  
 er begunde sich bewaren  
 nach gotleicher vorch,  
 110 als ez got an im worch.

Eines chlosters er began,  
 daz hub er furstenleichen an,  
 daz ist Reichenbach genant,  
 ez ist hie vil wol erchant.  
 115 daz begabet er vil wol  
 als ein furst von rechte schol.  
 Da wonet er vil eben  
 in tugentlichem leben,  
 unz di zeit quam,  
 120 daz in got von hinnen nam,  
 daz er ginch in daz phat  
 daz uns allen offen stat.

Wie ez dem ritter ergangen sei,  
 der do erhub dise mansenei,  
 125 des wil ich euch beschaiden.  
 diß leben ward im laiden,  
 er zoch haim hin in sein lant  
 do er erb und aigen vant.  
 er ward sich verstellen gar,  
 130 des namen vreunt und ander war,  
 si wurden sich des wundern.  
 Vast ward er sich sundern,  
 mit geneigtem haupt er ginch;  
 in spot man im daz vervinch.  
 135 er snaid ab sein har.  
 er wolt daz des niemant wurd gewar;  
 sundern er het einen chnecht  
 der im was nach willen recht,  
 dem sait er dise maere,  
 140 waz sein wille maere,  
 und sprach: „mein lieber chnecht, nu los,  
 bring mir mein wappen und mein ros



- und hilf mir von hinnen.  
 ich will trachten wie ich mach gewinnen  
 145 di vreuntschaft unsers herren;  
 von diser werlt wil ich mich verren."

- In ein chloster er do rait.  
 dem chnecht was um den herren lait.  
 do bat er um di bruderschaft  
 150 mit gar ernstleicher chraft.  
 er ward alda geweret  
 als des sein herze begeret.  
 Do er den orden do enphinch,  
 wo er saz und wo er ginch,  
 155 so pruft man an im grozz innichait;  
 sein alde sund im waren lait.  
 Man enphalch im ein ampt  
 der apt und die sammenung alle sampt,  
 daz er der geste phlegen schold.  
 160 di gehorsam er ervold,  
 ie den man er wol halden chund,  
 er waer siech oder gesund,  
 manichen er ein nam  
 nach seiner turft als im wol zam.  
 165 In der selben zeit  
 als der tumherren orden leit,  
 ein bischof ward erwelt;  
 der was uber al gezelt  
 fur einen phaffen weis;  
 170 der was ze schul datz Pareis.  
 er was gewesen vor  
 zu Regenspurch tumherre auf dem chor,  
 und er het ez erzogen schon,  
 daz zu gehalf im der eren chron.  
 175 Do er den wech fur sich nam,  
 auf dem er zu schule quam,  
 zu Syberch in dem chloster er benacht,  
 da bruder Gerweich in seiner acht  
 der gest phlag di do quamen dar.  
 180 des herren nam er sunder war,  
 erberleich er im engegen ginch,  
 und in gar zuchtichleich enphinch.

- daz er vermocht daz tet er do;  
 der herre ward des wirtes vro.  
 185 einer des andern prufen gund.  
 bruder Gerweich sprach an der selben stund:  
 „eur zucht bit ich, mich des geweret,  
 als ir zu land her wider cheret,  
 daz ir, herre, ein her zu mir lendet.“  
 190 er sprach: „daz gescheh unverwendet.“  
 ein urlaub er do nam  
 hofeleich als im wol zam.  
 Erleich boten man nach im sant  
 hin zu franchreich in daz lant,  
 195 die brachten solche maere,  
 daz er bischof worden waere.  
 daz Regenspurch ward erhorn  
 zu bischof der herre hoch geborn.  
 er was ein tugentleicher man,  
 200 als ich euch beschaiden chan.  
 Er hub sich auf heim zu land,  
 und chom do er bruder Gerweich vand,  
 wan ein tugent di andern suchet,  
 ein weiser man des andern geruchet,  
 205 daz schult ir merken wol,  
 wan ich euch beschaiden schol.  
 Do der herre daz chloster sach,  
 zu seinem gesind er do sprach:  
 „Hie wil ich di nacht seld han  
 210 gar zu einem biderman.“  
 Er zogt in daz gotes haus.  
 vroleich ginch gegen im her aus  
 her Gerweich mit seinen armen breit  
 er gab hin ein im daz geleit.  
 215 er sprach: „Bruder, an meiner wider vart  
 bin ich her ein zu euch gehart,  
 wan ich euch daz gehatzen het,  
 do ir daz wider mich ret.  
 nu bit ich euch und man  
 220 mit fleizze, als ich beste chan,  
 daz ir mich geweret  
 des mein herze geret.“  
 fleizzichleich er daz verhort,

- hin wider warn so seine wort:  
 225 „Billeich bin ich euch undertan,  
 und schol mich zu euren gnaden lan,  
 edler furst und herre mein,  
 was ir gebitet daz schol sein.“  
 „Wer grozz geschefst vor handen hat,  
 230 der muz haben guten rat.  
 Tu zimt ir einem fursten wol,  
 fur war ich daz reden schol  
 sprach der bischof an seinen rat —  
 baide frue und auch spat,  
 235 ir fuget mir vil eben,  
 euers rates wil ich leben,  
 und getraw euch wohl, ir volget mir,  
 wan zu euch stet alle mein gir.  
 ewr rat mag mir wol frumen tragen,  
 240 darumb schult ir mir nicht versagen.“  
 „Gehorsam herre hab ich getan  
 meinem abt, der ich nicht mag gelan;  
 was er gebeutet mir  
 daz tun ich, herre, vil schir.“  
 245 Der bischof fur den abt hin quam,  
 und sein mainung vernam.  
 „Des bruders“ sprach er „lazz ich nicht  
 zu im hab ich grozz zuversicht,  
 er chan sich auzzen und innen  
 250 recht und schon wol besinnen,  
 er ist ein sulcher man  
 daz ich mich sein ungern an.“  
 Der bischof gund aber biten  
 den abt mit guten siten  
 255 und mit sulcher flehe,  
 daz er sich sein verzehe.  
 Der herre des bruders sich underwant  
 und hub sich do hin heim zehant.  
 mit im was er wol bewart,  
 260 welchen enden er sich chart  
 in allem seinem land,  
 seinen geleich man nicht envand  
 an gutem weisem rat  
 baide frue und auch spat;

- 265 wes der herre begund,  
 ging au3 hern Gerwiges mund;  
 an seinem rat im wol gelanch  
 des saget er im grozzen danch;  
 vil erleich er in het,  
 270 an seinen rat er nicht entet.  
 Herr Gerweich vordcht, im daz nicht zem  
 und im daz geschafft sein andacht nem,  
 und mit gar guten siten  
 er den bischof gund ze biten,  
 275 daz er im des gunde,  
 ob er indert vunde  
 ein stat die im waer gelegen,  
 darzu geb im seinen segen  
 er wold von der weld,  
 280 ez wär ze holz oder zu veld.  
 Der herr do gar ser erquam  
 do er dise red vernam;  
 er sprach: „ich lazz euch gar ungern  
 wan ich mag eur nicht enbern;  
 285 eures rates ist mir not  
 uns schaidet niemant wen der tot.“  
 Do her Gerweich di red vernam,  
 er sprach und sach den herren an:  
 „Ich hab mich verzigten meines gut  
 290 und hab ernstleich in dem mut  
 werben nach der gotes huld;  
 des hengeret mir herre mit geduld.“  
 Der herre im des nicht wolt geweren,  
 von im ward sich der bruder cheren.  
 295 do der bischof ezzen scholt  
 und in zu im setzen wolt,  
 wan er sein alwege phlag,  
 der bruder an seinem gebet lag.  
 Waz im botschaft quam,  
 300 ir chaine er in nam;  
 der bischof im selber ging engegen,  
 er macht in nie erwegen,  
 biz und er im gehiez3,  
 daz er in von im liezz,

- 305 und im sein brif des geben scholt  
 in dem wald wo er sitzen wolt  
 sam ein einsidel alain,  
 mit der werld nicht haben gemain.  
 Vroleich hub er sich zu hant  
 310 an daz gemerf Beheymer lant,  
 an so grozzes gevilde,  
 daz nicht dan ieger in der wilde  
 zogten nach irem gewinne.  
 da ze beleiben stunden sein sinne.  
 315 Ein vischreich wazzer er do vand,  
 daz ist Wundrewe genant.  
 er gewan gesellen,  
 baume begund er vellen  
 und rewten nach achter,  
 320 an arbeit was er wachter.  
 Der markgraf eines males rait  
 da selbest hin an ein geiaid.  
 da er den wald verschroten sach,  
 in grozzem zorn er do sprach:  
 325 „Wer ist so vermezzen,  
 der sich hat vergezzen  
 an disem wald alhie?  
 unser wort ward ez nie.  
 Bruder Gerweich mit fug  
 330 sein brif fur den fursten trug  
 und mit guten siten  
 begund er den herren biten,  
 daz er seines zornes vergezze;  
 er wold bawen ain bruder gesezze,  
 335 do man got scholt dienen inne.  
 Der herre nam daz in sein sinne,  
 daz er so tugentleich gebaren chund,  
 und pragt in an der selben stund,  
 von wann er waer und wie er hiezze,  
 340 daz er in daz horen liezze.  
 Do sprach der bruder rain:  
 „Gerweich von Dolmunstain  
 herre so bin ich genant,  
 ett wenn ir mich wol erchant.“

- 345 Der furste von dem rosse trat,  
 hern Gerweich er do bat  
 der alden vreuntschaft zu gedenchen.  
 umb in ward er sich do lenchen,  
 in sein armen er in vinch.  
 350 Nu merket wie ez do erginch.  
 der furste sprach zu im also:  
 „daz ich euch sich, des bin ich vro.  
 gedenket ir unser tumphait,  
 und wie mich ewr swert versnait,  
 355 als ich die masen noch trag?  
 do ir het so grozze chlag,  
 daz was mir laid gar treulich.  
 genad ich mich zu euch versich,  
 wes ir nu begeret  
 360 an mir, des seit geweret.“  
 „So beger ich, herre, nicht me  
 dann waz ich umbe ge  
 des waldes in einem tag,  
 daz mir es icht versag  
 365 ewr furstenleiche gute,  
 so ervrewt ir mein gemute.“  
 „Der wald sei aller ewer.  
 ir seit ein man so gehewer,  
 daz ich euch setze chain zil,  
 370 nemt sein wenik oder vil,  
 do schol niemant wider sein;  
 lant und holz ist alles mein.“  
 „Jecht nur, daz mir werd gelan  
 des ich euch gebeten han.“  
 375 „Daz schol euch wider varen,  
 so uns got muzze bewaren.“  
 Zuhant begund er bawen  
 und got vil wol getrawen;  
 der gab im di chraft  
 380 und auch seiner geselleschaft;  
 und bawten ein gemechelein,  
 und zogten mit einander dar ein;  
 daz wart Waltsassen genant,  
 als ez heut ist wol erchant.

- 385 Do her Gerweich daz an sach,  
 daz do waere sulch gemach,  
 do man mocht inne wesen  
 beide singen und auch lesen,  
 er hub sich auf in daz lant,  
 390 und cham do er sand Bernhard vant.  
 dem tet er do chunt,  
 er het erwarben einen grunt,  
 den im niemant neme,  
 und der brudern vil wol zeme,  
 395 holz, wazzer waer da bereit.  
 an acker schon gelegenheit.  
 „Heiliger vater, nu bit ich  
 umb bruder, nu erhore mich.“  
 der heilig sich des wol versan,  
 400 daz er waer ein guter man,  
 und im von got di gnad waer worden;  
 er gab im do den graben orden,  
 mit sein selbes chappen er in chlait,  
 er sprach: „bruder, got sei eur gelait,  
 405 und daz ich muzz versagen,  
 daz schult ir mir vertragen.  
 ich hab der bruder nicht ze vil,  
 cheinen ich euch lazzen wil.“  
 An dem geschefft was er nicht laz,  
 410 darumb er auz chomen was;  
 er ging do von land ze land,  
 biz er doch ein chloster vand,  
 dar inne ward er gewert  
 alles des sein hertze begert.  
 415 Im wurden drey gesellen do,  
 des ward er auch viel vro;  
 zu Waltsassen chom er wider,  
 mit seinen gesellen liez er sich nider,  
 si lebten mit grozzer innicheit,  
 420 vasten, beten, arbeit  
 triben si all geleich;  
 darumb ward in daz himelreich.

Eines males zu metten zeit vor tag  
 isleicher an seinem gebete lag,

- 425 ein himelisch licht erschain  
 auf die hoffstat gemain,  
 daz was so haitter und chlar,  
 si wurden sein alle gewar;  
 vor vordcht si sich begunden smigen  
 430 und auch in di winkel bigen;  
 si sahen in dem selben glast  
 vil manchen erleichen gast,  
 ein schar in pristerleicher wat.  
 darnach sahen si vil drat  
 435 einen bischof schon gezird,  
 als er weichen wold in wird;  
 also was er gestalt,  
 sam er het den gewalt  
 zu weichen di hoffestat.  
 440 fur ir einen er do trat,  
 der selb was preial under in.  
 Er sprach: „Weigant, weistu wer ich bin?“  
 vor im stund er vordchtelich.  
 der bischof sprach: „nu vrage mich.“  
 445 „seit daz ich euch vragen schol,  
 so traw ich euren genaden wol,  
 ir bringet mich des inne  
 durch di gotes minne,  
 wer ir herre seit,  
 450 und di schar di do vor u leit.“  
 „Ich sage dir, daz du ez wißt,  
 ich binz Johannes Ewangelist,  
 her gesant von gotes chraft  
 ich und meine geselleschaft,  
 455 dise hoffstat zu weichen,  
 grozze gnad verleichen  
 in gotes und seiner muter ere.  
 noch sag ich dir mere,  
 ich wil auch hie wonung han,  
 460 vnd gotes dinst schol nicht zegan  
 auf diser hoffstat nimmermer,  
 des gib ich dir urchund und ler.  
 Hie muzzet ir ungemach leiden,  
 widermut schol euch selten meiden;  
 465 und di nach dir chunftig sint,



di selben auch diß urtail vint,  
wann wer zu himel chumen schol  
der muzz hie leiden grozzen dol."

Da di gesicht verswant,

470 si sampten sich ze hant;

des geheizzes wurden si vro,  
in gotes dinst ubten si sich do.

Da man die hoffstat weichen schold,  
wann ez Got selber wold,

475 und des dinges beginnen was,  
dar warf der teufel seinen haz.

Grozzter wolf ein michel schar  
mit grozzem ludem chomen aldar;  
vil groz was ir gal,

480 auf er in di luste hal.

daz ungeheur geschray verswant  
vor iren augen alzuhant.

Diß dinch daz erschäl  
in di land uber al;

485 dar quamen armen und reich,  
ir aller mainung was gleich,  
trost und gnad man vil do vant,  
di hoffstat weiten wart erchant.

Si bawten in der selben frist  
490 ein münster, alz ez heut sichtif ist,  
und der bruder gemach do mit  
nach des grawes ordens sit.

Von Volkenrod do cham aldar  
ein apt und munich ein michel schar,  
495 daz do ein sammenung werden scholt  
wann ez got recht also wolt.

Kaiser Fridreich cham in der zeit  
zu Eger, da bei daz chloster leit,  
mit herren vil und gar genug.

500 Do begund man sulcher fug:  
der chaiser do ein iunchvrawn nam  
eines fursten tochter, di im wol zam;  
der selb hiez markgraf Dipolt,  
disem chloster was er holt,

505 wann ez sein gesell hat erhaben,

- der im in hertzen was begraben.  
 Zu der frist ward gegeben  
 zu morgen gab vil eben  
 dem chaiser daz Eger lant;  
 510 und daz chloster san zuhant  
 sunderleich empholchen wart  
 ze schirmen cheiserleicher art.  
 Do di hochzeit verginch,  
 ein ander sich anevinch.  
 515 bischof, herren was do vil.  
 under in wart gesetzt ein zil,  
 daz man urteil runde  
 und vesten mit rechtem urchunde,  
 ob ein irdisch hant daz tet,  
 520 daz himelischer gewalt begangen het.  
 Di weisen all do rieten,  
 man schold ein weich gebieten,  
 di weil di herschaft do waere,  
 und man sich beschied der maere,  
 525 di sand Johans begangen hat,  
 als do vor geschriben stat.  
 Do daz allez nu geschach,  
 der chaiser also sprach:  
 „bei der weich gewesen sint  
 530 fursten, grafen, vreyen chind,  
 des schol daz chloster wol geniezzen,  
 grozze vreiung wir im versliezzen  
 mit hantfesten und mit zeugen,  
 als man daz schol eugen.“  
 535 Dreibait di verlihen ist  
 dem chloster zu dieser frist,  
 daz reich sein voyt wesen schol,  
 des mag ez geniezzen wol.  
 furstliche recht, di schol ez han,  
 540 da niemant ez mog gedhrenchen an.  
 Wer uber varen dar an wolt,  
 ein reich daz selber rechen scholt,  
 wann ez also verscriben ist  
 vor fursten nu zu diser frist.  
 545 wer aber daz reich nicht furchten wil,  
 dem setze wir ein ander zil,

- vervelt er des, so we im wart!  
 und wirt ez im zu hell gespart.  
 Unser vraw sand Maria,  
 550 di wil selber wonen da,  
 und sand Johannes der vil gut.  
 we im, der wider baide si tut!  
 geschicht aber ein untat  
 mit werchen oder mit dem rat  
 555 umb unverdiente schuld,  
 der verleust ir baider huld,  
 und wurd fur war gerochen  
 und mit gotes swert gestochen.  
 wer guten willen do hin hat,  
 560 in seinen noten chum im drat  
 zu trost Maria du vil gut,  
 benim im seinen widermut.  
 got man do schonen dinst erbeut,  
 565 des werden wol getrost di leut.  
 den selen gnad auch wider vert  
 den seligen, den si ist beschert,  
 wann do ligt manch guter man,  
 di werleich zeichen haben getan,  
 570 als in dem salbuch geschriben ist.  
 nu phleg unser aller Jesus Christ.  
 Hie hat daz geticht ein end.  
 Got uns allen chummer wend,  
 und mach uns aller sunden frei,  
 575 daz wir im mogen wonen bei.  
 Amen.



## Bemerkungen.

---

**1. Die Handschrift.** Das vorstehende Gedicht ist nur in einer einzigen Abschrift erhalten, welche sich in der aus Waldsassen stammenden Handschrift Clm. 1091 der k. Hof- und Staatsbibliothek N. 8—20 befindet. Vorauf geht als erstes Stück eine lateinische prosaische Erzählung desselben Inhalts, an deren Schlusse in rother Schrift steht: *Explicit fundacio Latinalis. Incipit Teutunicalis.*

**2. Der Dichter.** Der Verfasser des Gedichtes nennt sich weder selbst, noch findet sich irgendwo eine Andeutung von ihm. Nur der Zustand des Textes erlaubt in dieser Beziehung eine Vermuthung. Der Abschreiber hat nämlich das Gedicht in der ihm geläufigen bayerischen Mundart geschrieben, dabei aber manches aus der Vorlage beibehalten, was zu jener nicht stimmt. So ist häufig für ie einfaches i, für uo, ue immer u gesetzt; in B. 62 steht her statt er; in B. 450 vor u statt vor euch (nach seiner Schrift zu vermuthen las er hier vor u als vorn); in B. 561 du für die, di; in B. 357 u. 443 zwang ihn der Reim zur Beibehaltung von — lich, das er sonst immer in — leich verwandelt; auch der Reim in B. 564/5 ist vielleicht aus hute: lute zu erklären. All' das verweist auf eine mitteldeutsche Vorlage, und es erscheint daher die Vermuthung Schmellers sehr berechtigt, daß uns in diesem Werke ein poetischer Versuch des Abtes Johann IV. Grubel, eines Thüringers (1329—1339), erhalten ist.

**3. Der Text.** Die Abschrift selbst ist das Werk eines weder sehr kundigen noch sehr gewissenhaften Schreibers. Abgesehen von der erwähnten gemischten Schreibweise

ist er auch für seine eigne Mundart nicht im Besitze einer festen Schreibgewohnheit, schreibt z. B. B. 67 cham, 417 chom, 13 chvam, 119 quam, wechselt fortwährend mit ei, ey, ay, sowie mit i und y überhaupt u. dgl. m. Ebenso scheint er an manchen Stellen willkürliche Aenderungen unverstandener oder ihm nicht gefallender Ausdrücke des Originals vorgenommen zu haben. Vielleicht hat er auch die äußere Form des Gedichtes durch Aenderung der Doppelzeilen in vierzeilige Strophen verändern wollen, bei welcher Arbeit er aber nach den ersten dreißig Doppelversen erlahmte.

**4. Der Abdruck.** Bei solchem Zustande der einzigen Abschrift kann der Abdruck nur die größten Uebenhheiten wegräumen; hat sich aber sonst an die Vorlage zu halten. Nach diesem Grundsatz ist sowohl in Schmellers Ausgabe, als — mit einigen Aenderungen — in der vorliegenden verfahren worden. Um jedoch ein genügendes Bild der Vorlage zu geben, sind hier die Abweichungen besonders verzeichnet.

**5. Lesarten der Handschrift.** Nicht besonders aufgeführt sind hier die Fälle, wo y für i, p für b, cz oder ꝑ für z, v für u und umgekehrt, z für schließendes s steht, ebenso die verschiedenen Schreibweisen für waere (were, wer, w'). Schmellers Aenderungen sind mit S. bezeichnet.

Vers 7 noch V. 14 geperd V. 15 schan V. 18 uber sere V. 32 geschelle- V. 37 S. zu einem t. V. 43 S. tail V. 71 warde V. 90 S. bösten V. 94—96 in schied nicht von der girde chain menleicher ze iust noch werltleicher lust, verbessert von S. V. 133. haup V. 136 S. ward V. 143 hilfe V. 144 mach von S. eingesetzt V. 158 die fehlt, von S. eingej V. 159 plegen V. 162 wer, S. war V. 164 turst V. 174 eruen V. 181 erwerleich V. 185 der and. V. 189 lentt: geschlech vnuerwentt, geändert nach S. V. 193 noch V. 196 waren were V. 198 hoch V. 203 suhet V. 213 vielleicht zu lesen: h. Gerweich aus seine arme breit V. 271 der Gerweich V. 278 S. gaeb V. 283 gar fehlt bei S. V. 296 scholt V. 297 albege V. 313/14 gewinnen: sinnen V. 324 S. grozzen V. 328 wart (für wort) V. 339 weī, S. wēr V. 353 S. gedenchet V. 373 mich nur, verbessert von S. V. 385 do der G. V. 386 S. wēre V. 395 wār, S. war V. 440 fur in V. 473

da3 m. auf der h. leiden schold, von S. verbessert D. 510 S. sant D. 518 vrchund D. 519 S. ob im D. 532 S. vregung D. 541 S. da3 nu wolt D. 549 vraw di maria D. 575 mog. — Größere Initialen haben alle ungeraden Verse; durch rothe sind die Abschnitte bezeichnet.

**6. Sachliche Erklärungen.** B. 1. Bolmunstein, jetzt Bollmarstein, Flecken und Burgruine im Reg.-Bez. Arensberg, Kreis Hagen, an der Mündung der Volme in die Ruhr. B. 10. Als Ort und Zeit dieses Turniers gibt Brenner, Geschichte von Walbsaffen: Prag 1117. B. 19. Dietpold II., Markgraf im Nordgau, von Bohburg, Cham † 1146. B. 113. Reichenbach, am Regen, Benediktinerkloster, wurde i. J. 1118 von Markgraf Dietpold gestiftet. B. 147. Siegburg, oder Siegburg, ehemaliges Cisterzienserkloster bei Bonn. B. 165. Abt dieses Klosters war 1105—1125 Runo. Er ging i. J. 1125 als Lehrer an die Universität Paris, wurde aber schon im Jahre darauf zum Bischof von Regensburg, als solcher Cuno oder Konrad I., erwählt, † 1132. B. 316. Wundrewe, jetzt Wondreb, Nebenfluß der Eger, im nördlichsten Theil der Oberpfalz. B. 383. Walbsaffen an der Wondreb, wie in der lateinischen Chronik als merkwürdig hervorgehoben wird, gerade die hundertste Niederlassung des damals neuen Cisterzienserordens. B. 442. Weigand war nach der lat. Chronik einer der aus dem Kloster Volkenrode nach Walbsaffen berufenen Mönche, und Prior der neuen Niederlassung, bis sie i. J. 1133 als Abtei errichtet wurde. B. 493. Volkenrod, Volkenroda, ehemaliges Cisterzienser kloster, in Thüringen, in der Unterherrschaft Schwarzburg gelegen und zu Koburg-Gotha gehörig. B. 498. In Eger war Friedrich I. allerdings i. J. 1179, welches Jahr Schmeller hieher angibt. Da sich der Kaiser aber schon i. J. 1153 von seiner ersten Gemahlin Adelheid von Bohburg scheiden ließ, so ist hier offenbar der Dichter mit der Zeitrechnung in Zwiespalt gerathen. Die lat. Chronik fügt die Heirath richtig mittelst „dudum ante hos dies“ an.







## Abhandlungen und Werke

in Zeitschriften oder selbständig veröffentlicht vom  
Herausgeber.

- Pilgerfahrt eines Angsbürgers nach Jerusalem im Jahre 1385. — „Ausland“ 1865. Nr. 39.
- Mitteldeutsche Beschwörungsformel (Nachtsegen) aus dem XIII. Jahrh. — Sitzungsberichte der k. Akademie d. W. Phil.-Hist. Classe 1867, II.
- Über einige althochdeutsche Bruchstücke der k. Bibliothek (Geistliche Rathschläge, Wessobrunner Predigten, Wessobrunner Glaube und Beichte, Bibelübersetzung des XII. Jahrh.). — Ebenda 1869, I.
- Über einige altdeutsche Denkmäler der k. Bibliothek (Münchener Glaube u. Beichte, Wernhers Marienleben, König Rother, Niederdeutscher Prosa-Roman, Strickers Karl, Parzival, Spruch, Uebersetzers Verlegenheit.). — Ebenda 1869, II.
- Deutsches im Gebetbuche der hl. Hildegard. — Ebenda 1870, II.
- Mittheilungen aus der Münchener k. Bibliothek (Althochdeutsche Glossen aus 13 Handschriften.). — Germania 1870.
- Zu Neidharts Liedern. — Ebenda.
- Wicharts Sohn, ein lateinischer Dichter des deutschen Mittelalters. — Zeitschr. f. deutsche Philologie 1872.
- Vereinsprogramm und Vereinsbeitrag im XI. Jahrhundert. — Anzeiger f. Kunde d. d. Vorzeit 1877, Nr. 1.
- Deutsche Nativität des XIII. Jahrh. Germania 1879
- Bruchstück aus der Kindheit Jesu. Germania 1880.
- Bruchstücke von Marienlegenden des XIII. Jahrh. — Germania 1880.
- Zu den Wessobrunner Predigten. — Zeitschr. f. d. Alterth 1882.
- Wigamur. Münchener Bruchstücke. Germania 1882.
- Mitteldeutsche Psalmen-Paraphrase, XIV. Jahrh. — Zeitschr. für deutsche Philologie 1882.
- Mittheilungen aus der Münchener Bibliothek II. (Bibl. Dichtung des XIII. Jahrhunderts, Patriciuslegende, Veldekes Eneit, Hartmanns Armer Heinrich, Reinbots Georg, Gauriel v. Montavel, Konrads Goldene Schmiede, Unbekannte Dichtung, Niederdeutsche Fabelsammlung.) — Germania 1886.
- Bruchstück aus „Der Tugenden Kranz“. — Bartsch, Beiträge zur Quellenkunde 1886

Flurnamen aus den Monumenta Boica. — Sitzungsber. der k. Akad. d. Wiss. 1887, II.  
Zur Frage nach Neidharts Heimat. Ebenda.  
Ergänzungen zum bayr. Wörterbuche, besonders aus der Gegend von Passau.  
— Ebenda.  
Beiträge zur Neidhart Forschung. — Ebenda 1888.

---

Karte von Europa zur Zeit des 3. Kreuzzuges. — Spruner-Menke's  
Atlas zur Gesch. des Mittelalters. Europa V.  
Catalogus codicum Bibliothecae reg. Monac. — Antheil an Bd. V., VI.  
(deutsche) und Bd. III. Th. 2. 3. (lat. Handschriften.)

---

Meier Helmbrecht u. seine Heimat. München 1865.  
Nachträge zum Meier Helmbrecht. — Sitzungsber. der k. Akad. d. Wiss.  
1865, I.  
Zur Helmbrechtkritik in Pfeiffers Germania. München 1866.  
Indiculus Arnonis u. Breves Notitiae Salzburgenses. München 1869.  
Der Journalsaal u. die period. Literatur an der k. b. Hof- u. Staats-  
bibliothek. München 1879.  
Alte Passauer in der deutschen Literaturgeschichte. Zum Passauer  
Studiengenossenfeste. München 1881.  
Zwei alte ungarische Texte aus einer Handschrift der k. Hof- u. Staats-  
bibliothek. München 1879.  
Die Gründung des Klosters Waldsassen. Altdeutsches Gedicht. Zur  
Tirschenreuther Schmellerfeier. München 1885.  
Monumenta Boica. Index ad voll XV—XXVII. München 1887. K.  
Akademie.  
Helmbrecht. 2. Auflage. Leipzig 1887. Hirzel.  
Die Lieder Neidharts von Reuenthal. Leipzig 1888. Hirzel.

---



**14 DAY USE**  
**RETURN TO DESK FROM WHICH BORROWED**  
**LOAN DEPT.**

This book is due on the last date stamped below, or  
on the date to which renewed.  
Renewed books are subject to immediate recall.

27 May '59 CG	26 Jan '64 PS REC'D LD
RETURNED TO MATH. STAT. LIB.	JAN 30 '64 12 M
JUL 20 1959	MAR 22 1969 7 0
13 JAN '62 LE	RECEIVED
REC'D LD	MAR 15 '69 -2 PM
LLO 30 1961	LOAN DEPT.
DEC 3 1974 9	DAVIS
22 Jan '62 DO	INTERLIBRARY LOAN JAN 25 1973
REC'D LD	REC'D CIRC DEPT DEC 18 '74
JAN 8 1962	
REC'D LD	
1 Dec '62 LE	
JAN 18 1963	

LD 21A-50m-9.'58  
(6889s10)476B

General Library  
University of California  
Berkeley

U.C. BERKELEY LIBRARIES



C024213640

